

ԳԼՈՒԽ ԺԱ.

ԱՐՏԱՔԻՆ ԵՒ ՆԵՐՔԻՆ ՃԻՔԵՐ

Որքան և ծանր լինէին թիւրք-ագրբէջանեան դաւերի հետեանքները Հայաստանում, այնուամենայնիւ, անդոր էին կանգնեցնելու երկրի կենսական ուժերի զարգացումը. հայ ժողովուրդը մի ձեռքով պայքարում էր դաւադրութիւնների դէմ, միւս ձեռքով՝ վերաշինում ու կարգաւորում իր նորաստեղծ պետութիւնը: Հերոսական ճիշդ, սրիֆեան աշխատանք թափեց նա, որ ապարդիւն չկորաւ: 1919թ. տարւայ ընթացքում Հայաստանը ո՛չ միայն չխորտակեց մասմեատական գրոհից, այլ և մի շարք վայրերում տեց չլմեցնող հակահարւածներ և ունեցաւ աչքի ընկնող գործունէութիւն արտաքին ու ներքին կեանքի ասպարէզներում: Արտաքին ասպարէզում, հայ-վրացական պատերազմի դադարելուց անմիջապէս յետոյ Եւրոպա մեկնեց Հայաստանի պատւիրակութիւնը՝ հայկական խնդիրը Հաշտութեան Վեհաժողովին ներկայացնելու համար: Փետրւար 4-ին Ա. Ահարոնեանը արդէն Փարիզում էր, ուր հայկական պահանջները արդէն վերջնական ձևակերպում էին ստացել Ազգ. Պատւիրակութեան կողմից: Այդ պահանջները չէին համապատասխանում Երևանում մշակած պայմաններին. Երևանում որոշւել էր Վեհաժողովից պահանջել չորս վիլայէթների հողամասերից բաղկացած Հայաստան՝ ելքով դէպի Սև ծով, Ազգ. Պատւիրակութիւնը դժել էր ծովից-ծով Հայաստան՝ Մերսինից մինչև Շուշի: Եւ այդ էլ ոմանց քիչ էր թւում: Գաղութահայ մտայնութիւնը Ա. Ահարոնեանին էլ հարկադրեց տալ իր ստորագրութիւնը Ազգ. Պատւիրակութեան մշակած ծրագրին, և փետր. 12-ին, երկու պատւիրակութիւնների նախազահների ստորագրութեամբ, հայկական պահանջները ներկայացւեցին Հաշտութեան Վեհաժողովին:

Հայերը պահանջում էին՝

1. Ճանաչումը հայկական անկախ պետութեան, որ պիտի բաղկանար 1) Վանի, Բիթլիսի, Դիարբեքի, Խարբեքի, Սերաստիայի, Կարնի և Տրապիզոնի 7 վիլայէթներից՝ դուրս ձգելով Տիգրիսի հարաւակողմը և Օրդու—Սերաստիա գծից դէպի արեւմուտք գտնուող շրջանները. 2) Կիլիկիայի չորս սանջակները՝ Մարաշ, Սիս, Ջերեկ—Բերեքէթ և Ադանա՝ Ալեքսանդրեթով հանդերձ. 3) Կովկասի Հայկական Հանրապետութիւնը՝ Երևանի ամբողջ նահանգը, Թիֆլիսի նահանգի հարաւային մասը, Ելիզաւետպոլի նահանգի հարաւ-արեւմտեան մասը, Կարսի նահանգը՝ բացառութեամբ Արզահանից հիւսիս գտնուող շրջանի: